



COMUNU DE BIDDOBRANA

(PROVÌNTZIA DE ARISTANIS)

UFÌTZIU SERVÌTZIUS AMMINISTRATIVUS

Bia Roma, n. 24 - C.A.P. 09080

Tel. 0783/44104 - 44636

C.F. - P.ta I.V.A. 00071740955 e-mail: paola.deriù@comune.villaurbana.or.it

BANDU PO ASSINNAI BURSAS DE STÙDIU PO IS STUDIANTIS CHI DDIS MINEXIT CHI ANT FRECUENTAU SA DE 3 CLASSIS DE SA SCOLA SEGUNDÀRIA DI I GRADU E IS CLASSIS DE SA 1 A SA DE 5 DE SA SCOLA SEGUNDÀRIA DE II GRADU IN S'ANNU SCOLÀSTICU 2019/2020.

BIDA sa delibera G.C. n. 71 de su 30/09/2020 a ogetu "Critèrius po assinnai bursas de stùdiu po is studentis chi ddis minexit chi ant frequentau sa de 3 classis de sa scola segundària de I gradu e is classis de sa I a sa de 5 de sa scola segundària de II gradu in s'annu scolàsticu 2019/2020";

BIDA sa detèrmina n. 256 de su 15/10/2020 chi pertocat s'aprovamentu de su bandu de cuncursu po assinnai bursas de stùdiu po is studentis chi ddis minexit chi ant frequentau sa de 3 classis de sa scola segundària de I gradu e is classis de sa I a sa de 5 sa scola segundària de II gradu in s'annu scolàsticu 2019/2020.

ANT BANDIU

CUNCURSU PÙBLICU PO ASSINNAI BURSAS DE STÙDIU PO IS STUDIANTIS CHI DDIS MINEXIT CHI ANT FRECUENTAU SA DE 3 CLASSIS DE SA SCOLA SEGUNDÀRIA DE I GRADU E IS CLASSIS DE SA I A SA DE 5 DE SA SCOLA SEGUNDÀRIA DE II GRADU IN S'ANNU SCOLÀSTICU 2019/2020.

Podint pigai parti a custu cuncursu is studentis chi tenint custus rechisius:

- Ai frequentau in s'annu scolàsticu 2019/2020 sa de 3 classis de sa Scola Segundària de I Gradu e is classis de sa I a sa de 5 de sa Scola Segundària de II Gradu, e finas is Scolas paritàrias puru;
- Ai tentu sa votazioni de acabbu in s'annu scolàsticu 2019/2020 non prus bàscia de 8/10 po is studentis chi ant tentu sa licèntzia de Scola Segundària de I Gradu;
- Ai tentu sa promotzioni in s'annu scolàsticu 2019/2020 cun mèdia de is votus non prus bàscia de 7/10 (seti) sena de dèpidus formativus po is studentis de sa Scola Segundària de II Gradu, chi frequentant is classis de sa I a sa de 4;
- Ai tentu sa votazioni de acabbu non prus bàscia de 70/100 po is studentis chi in s'annu scolàsticu 2019/2020 ant pigau su Diploma in sa Scola Segundària de II Gradu;
- Teni sa residèntzia in su Comunu de Biddobrana;
- Non gosai de àterus assènnius o bursas de stùdiu chi ant cuncèdiu s'Istadu o àterus Entis Pùblicus in s'annu scolàsticu 2019/2020;
- Non s'ant a balutai in su càrculu de sa mèdia, su votu de religioni o is disciplinas fatas a su postu suu;
- Essi iscritus in sa Scola segundària de II Gradu o in sa classi afatanti po s'annu scolàsticu 2020/2021, foras de is studentis chi ant pigau su Diploma;
- Non s'agatai in s'annu scolàsticu 2019/2020 in sa cundizioni de scorcorigau e de torrai a fai sa matessi classi frequentada s'annu passau.

Abarrendi firmus totu is rechisius chi funt asuba, s'assinnamentu de is assènnius si fait movendi de custus coeficientis:

SA GRADUATÒRIA DE IS CHI TENINT DERETU S'AT A STERRI SEGUNDU A CUSTUS CRITÈRIUS:

A) Studentis de sa de 3 classis de sa Scola Secundària de I Gradu

A) MINESCIMENTU

VOTU	PUNTUS
Mèdia de s' 8,00 a su 9,00	Puntus 3,00
Mèdia de su 9,01 a su 9,99	Puntus 4,00
Mèdia de su 10	Puntus 5,00

S'ant a **lassai foras** de s'assinamentu is **corcorigaus** e is chi manca tenendi sa mèdia de s' 8 (otu) ant tentu **unu dèpidu formativu** in calincuna matèria.

SA GRADUATÒRIA DE IS CHI TENINT DERETU S'AT A STERRI SEGUNDU A CUSTUS CRITÈRIUS:

A) Studentis de sa I a sa de 4 classis de sa Scola Secundària de II gradu

A) MINESCIMENTU

VOTU	PUNTUS
Mèdia de su 7,00	Puntus 1,00
Mèdia de su 7,01 a su 7,50	Puntus 1,50
Mèdia de su 7,51 a su 7,99	Puntus 2,00
Mèdia de s' 8,00 a s' 8,50	Puntus 3,00
Mèdia de s' 8,51 a s' 8,99	Puntus 4,00
Mèdia de su 9,00 a su 10,00	Puntus 5,00

S'ant a **lassai foras** de s'assinamentu is **corcorigaus** e is chi manca tenendi sa mèdia de su 7 (setu) ant tentu **unu dèpidu formativu** in calincuna matèria.

A1) Studentis chi ant pigau su diploma de Maturidadi

A) MINESCIMENTU

VOTU	PUNTUS
Votatzioni de 70/100 a 79/100	Puntus 3,00
Votatzioni de 80/100 a 89/100	Puntus 4,00
Votatzioni de 90/100 a 100/100 lodi	Puntus 5,00

B) RÈDITU

CUNDTZIONI ECONÒMICA ISEE	PUNTUS
De €. Zeru a €. 10.000,00	Puntus 1,00
De €. 10.000,01 a €. 20.000,00	Puntus 0,90
De €. 20.000,01 e prus	Puntus 0,80

S'ISEE de riferimentu est cussu "Ordinàriu" bàlidu, candu su studenti non podit intregai s'ISEE, s'at a teni contu de s'ISEE de €. 20.000,01 e passa;

Cunforma a is dimandas e a totu is documentus arribaus e a is critèrius de su bandu, s' ufitziu s'at a incurai de sterri n. 3 graduatòrias diferentis a segunda de ai frequentau is studentis sa de 3 classis de sa Scola

Segundària de I gradu, is classis de sa I a sa de 4 de sa Scola Segundària de II gradu e sa de 5 classis de sa Scola Segundària de II Gradu, e prus a craru:

1) Studentis chi in s'annu scolàsticu 2019/2020 ant frequentau sa de 3 classis de sa Scola Segundària de I gradu:

IMPORTU IN ÈURUS	POSTU IN GRADUATÒRIA
€. 130,00	De su I a su de 3 in classifica
€. 110,00	De su de 4 a su de 6 in classifica
€. 100,00	De su de 7 a su de 9 in classifica
€. 90,00	De su de 10 a su de 12 e passa in classifica

2) Studentis chi in s'annu scolàsticu 2019/2020 ant frequentau is classis de sa I a sa de 4 de sa Scola Sgundària de II gradu:

IMPORTU IN ÈURUS	POSTU IN GRADUATÒRIA
€. 200,00	De su I a su de 3 in classifica
€. 180,00	De su de 4 a su de 6 in classifica
€. 160,00	De su de 7 a su de 9 in classifica
€. 140,00	De su de 10 a su de 12 in classifica
€. 120,00	De su de 13 a su de 16 in classifica
€. 100,00	De su de 17 a su 20 e passa in classifica

3) Studentis chi in s'annu scolàsticu 2019/2020 ant pigau su Diploma de Maturidadi:

IMPORTU IN ÈURUS	POSTU IN GRADUATÒRIA
€. 300,00	A su I in classifica
€. 250,00	De su de 2 a su de 4 in classifica
€. 200,00	De su de 5 a su de 7 in classifica
€. 150,00	De s'8 a su 10 e passa in classifica

Po si fai ammiti a su cuncursu, is studentis o genidoris (candu funt minorennis) depint intregai dimanda cumpilada comenti si depit impreendi feti is modellus chi at aprontau su Comunu, a disponimentu in s'Uffitziu Servitzius Amministrativus – Istruzioni Pùblica – o chi fait a ddu scarrigai de su giassu in s'arretza de su Comunu www.comune.villaurbana.or.it e de s'Albu Pretòriu in lìnia.

Is dimandas de ammissioni a is benefitziu arremonaus ant a depi arribai aintru de sa dii **14 DE ONNIASANTU DE SU 2020** a PEC a s'indirizzu protocollo@pec.comune.villaurbana.or.it o a posta eletrònica info@omune.villaurbana.or.it o lassada in sa cascita postali in s'intrada de su Comunu. S'uffitziu Servitzius Amministrativus assegurat sa publicidadi de su cuncursu, s'intregu de is mòdulus apostu e su servitziu de agiudu po ddu cumpilai beni.

S'Amministratzioni si reservat, in prus, de apurai e de castiai chi is datus decraus funt berus, cunforma a s'art. 71 de su DPR 445/2000, abarrendi firmu ca is interessaus tenint sa facultadi, po fai impressi a donai su benefitziu, de donai inderetura is certificaus chi cumproant is datus decraus;

Is interessaus chi non disponint de certificau ISEE bàlidu e aggiornau si podint inderetai in cali si siat tzentru de assistèntzia fiscali CAAF chi ddu at a lassai sena de fai pagai e comenti si siat candu su studentis non podit intregai s'ISEE, ddu ant a cunsiderai comenti a chi s'ISEE fessit de €. 20.000,01 e prus;

Cun sa dimanda is chi pigant part a su cuncursu depint intregai, a paperi sena de bullu, custus documentus:

- a) Certificau ISEE de su nùcleu familiari suu, bàlidu a s'ora de intregai sa dimanda;
- b) Còpia fotostàtica de unu documentu de identidadi bàlidu de su chi declarat.

NON S'ANT A teni contu is dimandas cun documentus chi non funt in arrègula o chi ammancant de datus de primori (data e firma, datus anagràficus e fiscalis de su beneficiariu e de su chi fait arrechesta; votazioni de acabbu; iscrizioni a sa classi afatanti in s'A.S. 2020/2021 foras de is diplomaus de sa Scola Superiori).

PUBLICIDADI BANDU DE CUNCURSU E PUBLICATZIONI ÀUTUS DE CUNCESSIONI

S'ufìtziu at a assegurai sa publicidadi de su cuncursu publichendi-ddu in su giassu istituzionali de s'Enti www.comune.villaurbana.or.it, e in s'albu pretòriu in linia.

Cunforma a is articulus 26 e 27 de su D.lgs. n.33/2013 aici comentis su D.lgs. n. 97/2016 ddu at mudau, su Comunu pùblicat custu àutu cun is critèrius e maneras po assinnai is bursas de stùdiu, e is àutus de cuncessioni candu funt de importu chi sartat is milli èurus donaus in s'annu solari. Custa publicazioni fait a cundizioni legali de eficàcia de is provedimentus de cuncessioni.

GRADUATÒRIA

Sa responsàbili de su Procedimentu, movendi de totu is documentus chi donant is chi faint rechesta e castiaus po lei is autocertificazioni chi ant lassau is chi ant fatu rechesta s'at a incurai de sterri sa graduatòria de is chi ndi tenint deretu tenendi contu de su dinai a disponimentu.

Sa graduatòria s'at a publicai in su giassu istituzionali de s'enti 15 diis e ndi at a donai comunicau cun avisu pùblicu.

ARRECURSU

Is interessaus ant a podi intregai contras a sa graduatòria is arraxonis insoru motivadas e a scritu aintru de dexi diis afatantis a sa publicazioni. Passadas custas 10 diis sena de ai nemus intregau nudda, sa Responsàbili de su Servìtziu at a sighiri cun Detèrmina sua a pagai. Acontessendi apuntus e arraxonis ddas at a spriculai sa Responsàbili de su Servìtziu chi me in is 15 diis afatantis ndi at a depi pigai provedimentu po ddas ai acetadas o refudadas.

Incapitendi de ddas acetai s'at a torrai a fai e a publicai, 10 diis, sa graduatòria noba. Sa Responsàbili de su Servìtziu s'at a incurai de fai sciri de ai acetau o arrefudau s'arrecursu.

MANÌGIU DE IS DATUS PERSONALIS

Su comunu de Biddobrana in sa calidadi sua de Titulari de su manìgiu de is datus, at a manigiai is datus personalis donaus siat a paperi siat a manera informàtica e telemàtica, feti po acumpriri a is fainas po donai is contributus, fadendi is incàrrigus de interessu pùblicu o comentis si siat chi tèngiant de biri fadendi is poderius pùblicos chi tenit s'enti, rispetendi is principius chi funt in su Regulamentu UE 2016/679.

N.B. S'UFÌTZIU CHI ARRICIT NO EST AUTORIZAU A FAI FOTOCÒPIAS DE DOCUMENTUS. PO TANTI A S'ORA DE INTREGAI IS DIMANDAS TOCAT DE DDIS AUNIRI TOTU IS DOCUMENTUS, FINAS SA FOTOCÒPIA DE SU DOCUMENTU DE IDENTIDADI.

Biddobrana, 15/10/2020

SA RESPONÀBILI DE SU SERVÌTZIU
Rag. Maria Paola Deriu

